



23. januar 2015

UPA 2016/117

Inatsisartut suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Ingerlatseqatigiiffiit Kalaallit Nunaannilu oqartussaasut whistleblowerreqarnissamut aqqissuussinissamut (kinaassutsimik ersersitsisuunngitsumik ilisimasamik ingerlatitseeqqiisinnanermut periarfissiisumik) malittarisassiuunneqarnissaannut Naalakkersuisut peqquneqarnissaannut Inatsisartut aalajangiiffigisassaattut siunnersuut.**

(Inatsisartunut ilaasortaq, Naaja H. Nathanielsen, Inuit Ataqatigiit)

### **Tunngavilersuut**

Whistlebloweri tassaavoq inuk suliffimmini annerusumik minnerusumilluunniit nipangersimasussaataaiffeqarluni pisunut unioqutitsisunut isornartunulluunniit tunngatillugu oqartussaasunut pisortanullu paasissutissamik ingerlateqqiisoq. Tamanna inuk taanna ingerlatseqatigiiffimmi tassani imaluunniit immikkoortortami unioqutitsiviusumi suliffeqartillugu pigajuttarpoq.

Inuiaqatigiit eqqarsaatigalugit inuit pisunik isornaatilinnik imaluunniit unioqutitsisusunik nalaataqartillutik sulisitsisuniit allanillunniit pillaatitut akiniarneqarnissamut illersugaallutik oqaluttuarnissaminut periarfissinneqartariaqarput.

Kalaallit Nunaanni nalunaarsuinermit inatsisit 1979-meersut atuupput. Nalunaarsuinermit inatsit naapertorlugu paasissutissat inummut tunngasut, inuk taanna ilisimateqqaarnagu, nalunaarsorneqaaqqusaanngillat. Tamanna soorunami pisanut tunngatillugu misissuinissanut ajornakusoortitsisorujussuanngortarpoq. Tamannattaq nalunaarsuinermit inatsit namminersortuni atuutsillugu namminersortunut atuuppoq.

Taamaattumik inatsisit atuuttut whistleblowerreqarnissamik aqqissuussinissamut ajornakusoortitsipput. Taamaattumillu whistleblowerreqarnissamik aqqissuussinissamut inatsisitigut aporfissaqannginnissaa qulakkeerniarlugu inatsisit atuuttut misissorneqarnissaat siunnersuutigivara.

### **Pisortani aningaasatigut allaffissornikkullu kingunissai**

Inatsisip atuuttup misissorneqarnissaanut allannguuteqarsinnaanissaanullu nukiiit pioreersut atorneqarsinnaanissaat naatsorsuutigineqarpoq.

### **Namminersortuni aningaasatigut allaffissornikkullu kingunissai**

Soqanngilaq

### **Innuttaasuni aningaasatigut allaffissornikkullu kingunissai**

Soqanngilaq.